


石倉十二代詩選

五十五



宋詩五十五


五十五


漢書門類		
三七四五號	九七函	一四二冊

內閣文庫		
漢書類	三七四五號	一四二冊
九七函		三九函

內閣文庫		
番號	漢	3745
冊數	142	(57)
函號	319	25

宋詩五十五





東堂集序

淺草文庫

余來毗陵之數月欲于事外夢求是邦之良士  
 未暇也一日有秀才陳生籛者來謁余貌甚野  
 氣甚靜余固異之坐之而扣其挾則吃吃言伊  
 州之學余益怪焉蓋是學也今之大夫久矣其  
 諱談也不惟大夫也今之士亦然而生獨不然  
 其不可怪也乎問之蓋默堂先生陳公之子也  
 然則其不諱談也又奚怪焉蓋昔者道學之統  
 系八傳而至孔子若顏子曾子則見而傳之若

子思孟子則聞而傳之統之至于孟子也千有  
餘歲繼絕者不在伊川乎其學以天理爲宗以  
致知爲力以仁爲寤以敬爲守以誠爲歸曠乎  
聖門之孔邇忽乎斯道之來前也一時之士從  
之學者豈少也得之者謝氏而止耳游氏而止  
耳楊氏而止耳默堂先生楊氏之高第也且親  
焉吾聞其人矣吾挹其風矣未見其書也問諸  
輅則有文集若干卷就求而觀之其辭質而達  
其意坦而遠其氣暢而幽至于立朝廷當言責

正君心排權臣蹇蹇不折也是豈今之所謂文  
哉蓋道學之克乎其中而溢乎其外形乎其躬  
而聲乎其言者歟旣歸其書于輅而輅請序于  
余余謝曰先生此書豈以序之作不作而爲傳  
不傳哉序或不可以廢也亦必其人而後可也  
如余者豈所謂其人乎然士之驚于文也至于  
今亦極矣文彌工道彌邈甚必反其不待于先  
生此書乎序此書余不知其可也一言以驗學  
者余不知其不可也先生諱淵字幾叟嘗爲正

歷代詩選 序  
言終官宗正少卿南劔人了翁之猶子云淳熙  
戊戌十月日誠齋野客廬陵楊萬里序

默堂集序

終

石倉十二代詩選

宋詩卷之六十

默堂集

宋汝縣陳淵撰

明後學曹學佺閱

延平江上呈吳國華先生

青山如偉人可望不可致屹然瞰洪流龍翔并  
虎視春風何時來草木舞深翠禽鳥暖相依飛  
鳴得真意願言斬茆茨結室傍蒼蔚且要觀此  
身功業亦細事

次韻欲遊西湖阻雨

歷代詩選 卷四 雜詩  
去年賞西湖薄暑攀躋難同遊幸勝士酒沃衣  
巾斑今歲來錢塘臘雨扁舟寒友朋適四集局  
蹙樊籠間此生分林泉造物猶余慳未爲登岳  
禱且作訪戴還無私本天理敢怨陰雲頑向來  
旱蝗惡征賦亦未寬寧令風作雪要看麥堆山  
十五日過許夜雨暴作明日行四十里宿

于頴橋又明日晴書

狂風撼平野沙礫眯兩目笋輿我與君道遠疲  
微逐驚雷一夜發暴雨溢川谷平明泥沒趾寸

步不容續我生賦窮蹇觸處背天福風雨豈不  
好行路非所欲中途聊息肩村驛便可宿我勞  
固其分端恐僵僮僕燎爐然濕薪傍舍酒初熟  
安能浣愁腸但取克飢腹中宵耿不眠明月忽  
掛屋攬衣起視夜秣馬亦膏轂人情易喜愠天  
道有翻覆陰霽那可知去去無欲速

寄內

明月向人圓愛之不忍睡坐久風露寒忽忽心  
如醉念君一適我所遇無歡意况乃久別離相

歷代詩選 宋陳幾叟 二  
思到夢寐我生百不堪謬學屠龍技于今半世  
人升斗亦未遂願有室中友素懷隱居志肯與  
梁伯鸞扁舟共東逝

小軒觀月呈興宗叔

茆簷手可攀脩竹出簷上寒蟾漏疎明碎影羅  
屏障情知月色好達覽在虛曠東家富池臺端  
坐不能訪山林足寓目細大初無相但使人心  
安景物自清暢霜風中夜作曲沼金飜浪禽鳥  
斷飛鳴杉松起酬唱燎爐宿殘火尚可溫新釀

數杯遣沈冥萬慮一時放

登召伯斗野亭

落帆新城曲維舟古河右幽尋得危亭星斗穿  
戶牖西風掃殘葉庭宇不待帚娟娟雲間月亦  
復照杯酒明朝又東南汗流映衰柳莫以此時  
心熾然分淨垢

曉登嚴陵釣臺和安止所留詩

溪山有底好適契貧士欲敢論生不侯但喜夢  
非僕千秋釣臺水不濯市朝足而我獨何人得

寓塵埃目携筇縱朝步初日穿林麓西風扶兩腋一舉千里鵠

越州道中雜詠

浮雲作秋陰細雨如朝霧放形山水間意適無艱步忽遇古招提空翠森回互倚杖聽泉鳴悠然不能去

宿仙霞聖仙寺呈伯思子靜

風物吾鄉似山川地勢分稻畦翻碧浪麥壠布黃雲客舍常爭席山僧獨獻芹茆柴餘瀝在聊

餉僕夫勤

流長亭

江折亂山圍西來素練飛嵐光環石窆潭影漾松扉欲靜風前樹難忘草上暉但期流渾遠長與水東歸

自建寧泛江至石首

江注天圍盡舟排浪陣輕岸容疎柳色秋氣斷鴻聲風日雖堪好雲煙易妬情鱸魚知有興好在未知名

歷代詩選 卷六十一  
季脩舍舟趨諸暨謁劉元成獨泛錢清江  
有懷其人

人遠牛羊暮春深草樹滋野橋低映水浦嶠曲  
縈籬風雨江湖思乾坤杖履疑論心竟誰是短  
棹欲何之

和司錄行縣道中偶風雨有感之作

吏隱深藏霧天遊更御風分携妨舉白轉眄忽  
堆紅北去豺狼盡春回雨露同向來相對飲應  
復念鄰翁

蕭山覺苑寺雪後杜門

雪融簷溜如秋霖古寺掩關無足音詩書廢放  
道眼淨鐘鼓杳隔禪房深老僧勸坐煤以火茶  
鼎靜聽蒼蠅吟胸中激梗造澄徹一念不作千  
憂沈浮生半日未易得邂逅勝境聊安心明日  
片帆落何許歲晚濁醪誰共斟

次韻鄧志宏送張思道遊福唐

紛紛澗耳俱宜洗坐遣高人厭丘里迅流蚤自  
促行舟更有西風滿江葦當年筆陣掃千人今



日流葦推能文英辭裕辯灑醉墨倏忽百變春  
空雲人間萬事秋毫細軒冕儻來誰著意身隨  
去棹落波間興逐冥鴻渺天際三山便到蓬萊  
宮卸帆海嶼窺魚龍夜涼橫笛弄明月萬頃瑠  
璃秋色中

錢清過堰

小風吹樹寒流止始覺西湖潮正起須臾倒卷  
縠紋來已沒岍痕猶未已江流自下河自高逆  
上更堪行罔水九牛回首竹索細十丈沙泥拒

九底

汝州道中呈遵道

青煙漠漠柳依依落日雲中雁北飛  
咄咄書空誰獨坐遲遲行道子同歸  
桑陰葢地牛羊卧麥秀漫山鳥雀肥  
向晚未知投宿處敗籬疎屋火煙微

承遵道和又用前韻書懷

端的荊州得所依羽翰終欲更南飛  
閩山萬里長牽夢蜀鳥千言只喚歸  
當日朋儕俱草澤而

歷代詩選 卷之六  
今兒女自輕肥白雲南望三年客長是尊前誦  
式微

再和李伯紀舍人韻

時來將相寧有種衛青故是民家奴懸鶉未用  
歎歲惡濶網近喜除官逋本無得喪任失馬但  
有言說皆陳荔從君一飲百壺盡醉倒不知誰  
謂吾

次韻子靜

淵明束帶向督郵已覺歸思不可留紛紛朱墨  
時休豈待置錐無一丘平生涉世如虛舟  
月從人驚暗投曾次已無涇渭流不應罪我緣  
春秋

次韻陸時可歲暮感懷

小橋橫截一溪雲隔岼遙通避世人釣艇偶隨  
秋雁泊吟窗今見臘梅新煙塵已覺千山靜雨  
露行看萬國春詩酒暮年生處樂一瓢歸去豈  
辭貧

離紫溪驛

歷代詩選 卷六十一  
小風吹面雨廉纖輕薄衣裳懶更添一線離情  
裁不斷暮雲將過粵山尖

鉛山

欲留無計去還悲漸遠闌山物象非家在天南  
今北首忍看歸鳥背人飛

信州禪月院晚眺

一覺華胥日又曛晚來愁緒亂紛紛角聲對起  
重城近吹動靈山萬疊雲

登睦州環峯亭

月照空山杜宇啼喚歸漁艇夜天低那堪又是  
雙溪水獨上危樓十二梯

病減枕上二首

堦草無期日自生獨餘貧病破元正春風一種  
含生意誰道年來也世情

塵埃子石蒙蛛網殘落霜毫暗蘚紋未把語言  
爲戲劇新年不作送窮文

七夕

天上銀蟾曲似鉤人間簫鼓萬家浮從來世事

歷代詩選 宋陳幾叟  
俱兒戲不獨秦娥乞巧樓

其二

信馬隨車力不勝聊將觴豆樂交朋青樓乞巧  
憐兒女我亦如今拙未能

同魏季脩雪中閒步

纖纖月色淡黃昏城郭千家雪照人携手望春  
同茗飲小坊燈火白相親

思安常兄

凌虛閣下煙波濶升後坊前草木蒼歸去溪南

春正好不應蕭索對松篁

月夜江行

吏隱飄然在一涯更堪行役送年華多情却有  
空江月長伴離人夢到家

約令德郊行

簷竹搖風拂面低麥芽穿雪綠齊齊憑君便作  
遊春計莫待花繁去路迷

通州夏雨

長風卷地驅炎暑暴雨翻空送晚涼只此蚊蠅

歷代詩選 宋陳知舉 卷六十一  
俱掃跡不須迢遞待秋霜

延平林力道閣上觀水

要看春水拍天流更爲溪山一日留誰遣白雲  
迷眼界坐令歸思入扁舟

泊舟延平

星河不動水東流夜影搖空逼釣舟夢破滄浪  
歌在耳欲尋溪友向煙洲

自浦城放舡下建安寄龐幾先

茆柴也解發清狂仰看雲天盡十觴白首歲寒

猶道路自憐無意避風霜

寄養蒙兼呈景駿

粥魚齋鼓網蛛窠古寺長廊客少過惟有一溪  
明月在夜寒偏向斷垣多

其二

太史溪頭十里間朝陽峰下水涵天青鞋不踏  
紅塵陌夢斷僧窗又一年

自梅花村回道中書壁

刺水秧針出已齊雨餘膏澤未全犁道傍牛喘

無情問慚愧林間布穀啼

邑中諸公見和再用前韻

看盡愁人萬點紅曉來雙鬢白  
于葦他時儻記江南夢畫我黃梅細雨中

山寺早梅

雲間初日慘無光天外歸鴻豈戀行  
短景去人如掣電不應留滯野梅香

其二

雲母燒香不見煙夜深齋閣閉龍涎  
此生暇日

真難得蕭寺重來已四年

次韻李光祖南山偈

窗前松竹翠連山窗下弦歌晝掩關  
雪裏忍看梅欲吐煙中遙認鳥知還

錢塘江

潮頭駕月衝殘夢水色浮空送峭寒  
十幅輕蒲連夜發不知身到海門山

石倉十二代詩選

宋詩卷之六十

終

五峰胡先生文集序

五峰胡先生遺書有知言一編。既序而傳之。同志矣。近歲先生季子大時復哀輯先生所為詩文之屬。凡五卷。以示。栻栻反復而讀之。惟先生非有意于為文者也。其一時詠歌之所發揮。所以抒寫其性情。而其他述作。與夫問答往來之書。又皆所以明道義而參異同。非若世之為文者。徒從事于語言之間而已也。又惟先生粵自早歲服膺文定公之教。至于沒齒。惟其進德。

之日新故其發見于辭氣議論之間者亦月異而歲不同雖然以先生之學而不得大施于時又不幸僅得中壽其見于文字間者復止于如此豈不甚可歎息至其所志之遠所造之深綱領之大義理之精後之人亦可以推而得焉淳熙三年元日門人張栻序

胡仁仲序 終

石倉十二代詩選

宋詩卷之六十一

五峰集

宋崇安胡宏著

明後學曹學佺閱

題上封寺

百年身似客浩蕩世間遊入望青山好夢魂偏我留我家巫山十二峯浮江直過巴陵東瀟湘水與蒼梧通環遶衡嶽青冥中扁舟白雲不可度杖藜臘屐乘春風山光浮動可攬結雲舒霞卷飛煙虹深巖大壑翠巘巘足力已到心無窮



羣峰迤邐勢不競上盡祝融五千仞祝融峰高  
天更高太空人世如牛毛風雲萬變一瞬息紅  
塵奔走真徒勞

觀建安七子詩

作文發妙理經國勵遠圖遊日建安中才子足  
歡娛西南落漢日楊益奮兩隅山河裂地軸星  
象分天衢八師遇有姚萬世垂楷模一元均大  
化五服擁皇都悠悠彼七子流光失其孚飛觴  
宴婉孌鼓瑟吹笙竽主人敬愛客徒爾相揚揄  
魏祚竟不長貽謀止斯須逡巡數十年犬羊躡  
八區所以漢高帝嫚罵輕文儒

和江子玉

無奇試學居盤谷誰信斷絃膠可續湘天冷落  
數家村曩時曾在旌麾沐潺湲堵下碧溪橫柳  
靜風微幽意足知君文武濟時才舊時軍律寒  
生粟文書脫略是人師應有魏昭能換粥我無  
真樂送芳年悵望顏回屢空腹淒涼指日秋風  
高願更回來寫心曲

西林寺廓然堂有懷

超然峰頭秋氣清廓然堂延秋月明我乘清秋  
弄明月中有所感思冥冥峰勢凌蒼穹上有煙  
林封去天不盈尺路斷心忡忡虛名過耳如松  
風

同伯氏還鄉

江村沙暖萋蒿長味比枸杞新甘香茁茁荻芽  
生近渚紫花臺菜初未嘗白羊烏豨俱在牧茆  
舍竹籬真故鄉人生未必須富貴萬事且願身

康強徑買官場舊醪酒共醉春風殊未央

桃源行

北歸已過沅湘渡騎馬東風武陵路山花無限  
不關心惟愛桃花古來樹聞說桃花更有源居  
人共得仙家趣之子漁舟安在哉我欲乘之望  
源去川源遠近蒸霞開一片隨水從東來及晨  
徧覽三春色莫使風雨空莓苔

題法輪寺

春色初收夏氣清路分松檜入崢嶸深盤峭嶮

千峰下遠抱瀟湘一綫明大衆總迷身在處三  
關除却道方平山林若是有情住何異紅塵爭  
利名

卷之六十一

林艾軒詩集序

艾軒先生道最高名最盛而其後最微傳其學  
者再世網山樂軒二師又皆以窮死先生平生  
既不著書遺文僅數卷身歿五十年未有全藁  
余同舍方君嚴仲先生外諸孫也每相與扼腕  
此事壬辰成進士南還余別之與言曰太史公  
遺書今責在楊惲矣嚴仲歸而求之凡數年方  
集刊于莆而四方學者未盡見也春來鄱過象  
山友人湯君伯紀相與語曰昔艾軒使東廣道

饒之餘干宿相嶺有鄉耆儒李恕軒名興宗者嘗侍先生談一夕至今吾里能艾軒之言若以公之書鏡之鄙邦人之願也余喜曰是吾心也既成將誌以歲月因思日者聞于吾樂軒曰綱山盛年挾冊從師四方率以不契去及來城南初宿齋房未卽見先生與客語夜闌聞有息入而驚寢者先生曰睡是大家睡夢是獨自作綱山喜而不寐歎曰吾得師矣自此事先生餘三十年玉融陳叔盟少從先生于紅泉一日出揖

容緒然先生曰心不負人而無慙色叔盟悟而自勉遂以行義名叔盟受詩于先生嘗與樂軒讀國風于古寺吟諷累夕俄而至采蘋掩卷泣頰得中庸之旨叔盟喜以告綱山綱山遂以樂軒見先生曰吾嘗語若詩不歌易不畫無悟入處今于元潔猶信吾詩不亡矣其言若此者皆大得又曰先生初補上庠嘗就月試考官夜得其文聚同列以笑少司成陳少南旦詰之具曰非謔也卷有數語誠可哂索而視蓋策以

兵勢問而先生之對有曰譬如嬰兒夜啼拊之  
不止啗之不止卒然滅燭伏戶下爲虎嘯狐鳴  
則其喙如窒少南曰此筆當與太史公爭衡必  
寘首選長廳曰已得一人矣幸次之少南曰毋  
使居人下不然寧黜之語頗侵司成少南竟以  
此去國先生聞而歎曰甚矣知己之難弃其籍  
而歸一意聚徒講道不復試成均者十餘年年  
五十始以鄉書免擢第其遺事類此者亦失傳  
方先生在時世號南夫子于經于道超悟獨得

若此與孔顏旦暮之遇于數千年因革之故如  
語昨日事今學既不傳而所可傳者數卷僅爾  
茫茫宇宙不知幾何年又有此人物嗚呼惜哉  
淳祐十年歲次庚戌良月朔後學三山林希逸  
書

石倉十二代詩選

宋詩卷之六十二

艾軒集

宋福唐林光朝著

明後學曹學佺閱

送別湖北漕李秘監仁甫

文字眇煙雲過眼徒浩浩所有未見書惜哉吾  
 已老子雲客長安陳迹如一掃同叔向來人我  
 生苦不早亦聞青城山斯翁為有道瞿塘不可  
 上秋夢長顛倒白日來西崑一見自應好縱譚  
 百代前至竟非枯槁多為開口笑明月生懷抱

黃鶴有高樓。悅如事幽討。攬轡逢道州。聽書下  
下考。周南勿留滯。掇拾供史藁。分手重酸辛。璠  
瑒衆所寶。十日不得面。何爲太草草。

送別姚國博知處州分韻得綠字

銅盤白露下。松桂淨如沐。變彼菊花團。西風吹  
醴醪。長安多別離。此別苦不足。人物如史君。容  
易等潘陸。一自東海頭。清飈起謠俗。館下欲何  
言。聯翩如破竹。功名不徒爾。無乃相迫逐。雙日  
訪延英。行矣公勿卜。括蒼煙雨前。寒光貫巖腹。

出銀甕。邂逅聚百族。要携三月糧。所厭惟  
一芻。幸心忽開張。何曾畏笑僂。單父勿長吁。來  
者猶可續。道旁有抵壁。天下輕結綠。一夕洲渚  
言。令我沈心曲。

甲午

仙掌秋容媚。銅樓曉色遲。猗蘭成漢殿。苞竹入  
周詩。鼎卜卿雲合。郊禩彩仗移。隆興乾道日。建  
武永平時。詹事開新府。長秋綴舊儀。禮經猶下  
問。易道本生知。世子家爲法。文王我所師。誕彌

重海潤清賞一天慈九月黃金蘂千齡白玉卮  
遙開三殿喜高頌走天涯

石渠行送別福建叅議李著作器之

我來石渠五十六雙髮如蓬腰未曲豈爲健筆  
有徐庾自數來時六十五誰解辛苦續子虛長  
安有客四十餘已成老翁不肯去青藜當戶夜  
讀書東觀丈人起遐想無爲歲月空踟躕去作  
諸侯老賓客可無綠水兼紅蕖我家東下纔百  
里鈞螺一曲清無滓草堂爲築荔枝斜濯錦江  
頭有如是子思子方道爲尊南國佳人如秋雲  
不知公侯有朱箔要問常州李著作

資中行奉寄臨邛守宇文郎

銅駝陌上生秋草前者刻石今如掃僂邊半紙  
半模糊下牀三日成悲惱蒼史萌芽何可見要  
從筆意生秦漢欲將竒字問何人所守一家如  
小篆是中變刁隨形模鐘罇鼎鬲匱盤盂如何  
西京到魏晉搜盡蒼崖惟此書卽今原隸見顛  
末仍于畫上分銖銚燕然有年固可紀筆勢豈





好探

送別傅郎中安道持節閩中

忽然鄉思若爲收莫到三茆最上頭二月東甌  
看負弩一天南蕩想行舟過家上冢從今數落  
絮飛花合晝遊料得甘泉來奏計定應前席莫  
遲留

閏月九日登越王臺次韻經畧敷文所寄

詩

閒陪小隊出山椒爲有吳歌雜楚謠縱道菊花

如昨日要看湯餅作三朝千重嶺海供橫槩一  
帶風煙聽采樵憑仗折衝如此好不應東去更  
乘輶

前歲過真陽初識子欽今道出曲江不忍  
遽分手偶成長句以志兩處山川人物  
之勝亦少慰別來耿耿耳

秋崖一夕卷炎蒸那更揮斤爲斲冰碧落舊尋  
燒藥竈白芒長對讀書燈相期大庾何多日似  
出浮屠向上層縱有分張吾未老定從臺閣看

飛騰

次韻賀丘國鎮致仕

桃花流水是家鄉。洛下才名四十強。自有赤松堪辟穀。那能白首更爲郎。案頭貝葉忘言久。江上蓴羹引興長。解后却成香火社。好將詩句細商量。

挽李制幹子誠

文字紛紛更問兵。秋燈束髮尚青熒。便令三子成門戶。却許諸孫說典刑。隔水忽傳朝露曲。行

人長數夕陽亭。河東健筆惟諸薛。梅子崗邊爲勒名。

代陳季若上張師

一樣官儀漢代新。乘時大手與經綸。東南自古衣冠地。桐栢山前淮水春。長陪綵仗下蓬萊。萬歲聲中霽色開。自是北門須卧護。雙旌迢遞日邊來。

直甫見示次雲乞豫章集數詩偶成二小

絕因以自喻

脩水佳人白玉欄花前何似妾容顏從來未省  
傷春意猶自樓頭畫遠山

挽方通判良翰

得錢終日走燕市抱膝經年動越吟想得長安  
西望眼只應黃鵠見歸心  
達者淵明自挽歌新墳數尺奈愁何雞林賈客  
無從問收拾篇章有幾多  
九死穹廬我未甘後來勿使隴西慚明時節義  
多傳述柱下何人是老聃

哭徐剛定德襄

脩文巷裏暮春前欲上旗亭問客船忽有短牋  
無寄處漁梁却在淚痕邊

哭伯兄鵲山處士蒿里曲

竊觀之近古葬顯者則歌薤露又有蒿  
里之曲施諸閭巷乃取鵲山號哭之聲  
作是曲

桐棺三寸更何疑却取江楓短作碑惟有一般  
蒿里曲長簫欲斷更教吹

石倉十二代詩選

宋詩卷之六十二

石倉十二代詩選

宋詩卷之六十三

綱山集

宋福清林亦之撰

明後學曹學佺閱

奉題林稚春菊花梳子歌

故人所說菊花梳似把冰丸月下飲秋水一雙  
明炯炯數在青囊第一品狂風江上吹蒹葭往  
往得之稀阮家閉門誦書二十載眼睛損盡生  
空花建陽小作箸頭書殘更燈火亂蟲魚石渠  
文字大如斗場屋歲月又不偶却來南山青草

歷代詩選 卷之六  
邊東西盡爲菊花田手提長筐向山曲一下收  
拾三百斛昨者昏迷才起來解把簷頭小字讀  
乃知妙物通羣仙一切藥裹應棄捐

丁亥九月十六夜偕李監倉宿龍卧山中  
聽雨看月同時事也所謂魚與熊掌兼得  
之賦詩一篇以紀其事

相喚此山來狂風吹我衣把酒桂花下山雲片  
段飛掩門雨初滴開門月還上倚樹看月明半  
山聞雨響人間有佳景詩句頗發越何曾似今

夕聽雨還看月

九月晦日登烽火山

興來走上烽火山著足不定秋風寒四邊黃茅  
滑如雨低頭一看毛髮豎幾年要到紫菜鄉大  
練小練奔東牆如今一時在眼傍白雲浮水天  
茫茫酒闌更欲弔虎屋無端日脚相催促一奴  
雕髻一跛足逐我下山如野鹿

答稚春送瘞鶴銘

烹魚蒙尺牘瘞鶴有殘碑老去無他好朝來愜

所思幽懷增感激妙處自傾歎喜劇還生嘆如  
今愛者誰

九日遊龍卧山留一夕明日值雨坐超上

人房偶題

野興更周遭應遲問大刀山房逢雨好人意與  
秋高多謝烹鮮乳還令厭濁醪重來須累少款  
款聽蕭騷

秋試歸訪綠煙亭

竹徑縈紆去相逢情若何江從木杪見秋向菊

邊多謾有風濤想如今歲月過惟於交舊裏聽  
取碧雲歌

陳文煥秀才所宅近市憑樓一望西山宛  
然墮几案中縣之豪雋唱酬不下數十百  
篇野人後來承聽許不必似韻故爲之賦

一首

西山簷外見何必鹿門行近晚江聲合踈簾野  
意生終朝如此好初月更多情却媿才華鈍三  
年句不成

陪范明府與諸同官飲新亭是夕以筦爾  
榜之因賦此詩

把燭新亭下迂踈聊爾歌酒當清品勝官要野  
情多燕豆客俱好漁竿人亦過誰知武城笑深  
自惜蹉跎

奉送范宰秩滿還東陽

語違今幾日猶更上層巒情自緣君子吾非送  
長官衝寒去程遠惜別賦詩難政拙爲遺愛留  
將識者看

題嚴子陵釣臺

莫向金門傲冕旒歸來却要著羊裘乾坤不是  
劉文叔那得長竿到白頭

重陽次日登城山

城山飲罷冷侵衣湖上重來月滿卮未愛踈籬  
黃菊日最憐秋水白雲時

九日下水口

黃花時候苦思鄉急水還家一日強不道南風  
打頭上客船搖櫓作重陽



送井伯赴上庠

紫薇巷口送征鞍。白社村前豆葉寒。一賦雕蟲  
憐小技。千山羸馬上。長安短檠已自甘。投老健  
筆胡爲未得官。鳳閣起家緣六館。州人更欲祝  
東巒。

舍弟客臨平

憑誰爲問鵲鴿原。燈火三更頽淚痕。天遠未知  
萍梗迹。書來說在藕花村。年華似汝寧爲未。場  
屋如吾已懶言。壁水故人今北去。短長門戶好

同論

憶浮家洞

萬竹蒼蒼烏鳥啼。一江渺渺薜蘿西。幽懷動處  
蘭初長。好句來時月已低。年歲却從爲客盡。家  
書長是倩人題。踈鐘日落孤村立。秋燕梁空歸  
思迷。

寄表弟章由之爲理曲堆屋廬

苦來爲客竟何爲。宅舍荒村誰與治。別墅雖無  
韞川畫。生涯堪入杜陵詩。身如燕子年年去。家

似漁舟處處移丹井西頭曲堆下更煩歲晚定  
疎籬

奉寄雲安安撫寶文少卿林黃中

泥封款款下青冥却許麾幢換使輶夔子城池  
開幕府杜陵詩卷作圖經十年去國未歸夢萬  
里看山憑短亭可信明時好人物亂猿啼處是  
州廳

滕王閣懷古奉呈撫州別駕兼簡戶曹

城邊帝子閣西頭水遶南昌故郡流浦曲天長

鷗侶小夜深雲淨月華浮澹古苔暗竹根古孺  
子亭荒荷葉秋漠漠滄江無了日哦詩休接古  
人愁

鮑待用

已下  
輓詩

去年一笑荔枝園今歲重來是墓門縱有青青  
舊時樹已看斜日照黃昏

光澤朱君

諱廣字二首  
師言

諸老蕭蕭似卷塵不堪再見素旌新白頭縣尉  
簪簪浦夜雨寒牕是舊人

長記前回過我廬，艱難步履要兒扶。莫將馬箠敲門去，寒水無人野喚孤。

小練林承事

文炳

二首

薤歌纔唱已堪嗟，莫道生平隔海涯。曾向網山圖上見，蛇門東去是君家。

生前莫問劉郎浦，死後還看孟母鄰。遙想芻靈穿海出，浪頭如屋自愁人。

盧助教質夫二首

山中香火今誰在，那聽殘春薤曲新。第一傷心

惟此老父時，諸客已無人。

毗耶鈔軸五千卷，淨几焚香心自閑。蠟燭燒殘春夢斷，逢逢哀鼓弔空山。

方提舉公美

馬上姿容河朔風，吁嗟不見夕陽紅。長江自小爲鄰舍，昨日歸來無此翁。

林伯謨

幽情千木外，巧思百花前。好事如吾子，傷心嘆蚤年。桃蹊親意悅，薤曲里人憐。半夜悲笳起，涼

天野月懸

丹井陳子白母

哀曲梧桐夜何年  
首宿盤敬夫前輩重詩客婦  
人難十月明朝盡孤墳落日寒  
鹿門催作黍此意竟長嘆

松林林巖叟

誰學陶朱去梅花古戍旁  
平生疎几杖哀曲損肝腸  
稚子青衿雋東床綠袖長  
四更笳鼓動月白水茫茫

陳伯順夫婦

晴春相見未多時  
忽嘆霜蕪雪屋非  
偃瑟樓前  
万悻往吹簫  
臺下竟同歸  
讀書歷歷向秋樹  
織  
却悠悠空曉機  
須信人間伉儷  
重生年死日不  
相違

石倉十二代詩選

宋詩卷之六十三

樂軒先生集序

初網山既得師傅嗣講席戶外之屨幾半艾軒  
于是網山之徒又推樂軒爲高第一日侍網山  
謁老艾艾受其拜接之如孫焉網山僅得中壽  
使其高年未必終窮也樂軒七十二廼死年出  
于其師而窮尤甚于其師城中無片瓦僑居福  
清縣之橫塘開門受徒不足自給至浮游江湖  
崎嶇嶺海積鏹得百千歸買田數畝輒爲人奪  
去士之窮無過于此矣今讀其文講學明理浩

乎自得。不汲汲于希世求合。螢牕雪案。猶宗廟百官也。菜羹脫粟。猶堂食萬錢也。入則課妻子耕織。勤生務本。有拾穗之歌焉。出則與諸生絃誦。登山臨水。有舞雩之詠焉。自昔遺佚。阨窮之士。功名頓挫。時命齟齬。徃徃有感。時觸事之作。以洩其無慘不平之鳴。若虞卿之愁。韓非之憤。墨翟之悲。梁鴻之噫。唐衢之哭。是已。樂軒平生可愁可憤可悲可噫可哭之時多矣。而以樂自扁。樂之爲義在孔門。惟許顏子先儒教人。必令

求顏氏之所樂。嗚呼。此固樂軒之所聞于二師歟。樂軒沒二十餘年。余從竹溪林侯。肅翁傳抄遺藁。聊敘其平生大致。如此。肅翁又樂軒高第也。他日居魏文貞之地。秉陳叔達之筆。當爲河汾先生立傳。無使天下後世有遺恨云。樂軒陳氏名藻。字元潔。前史官劉克莊序。

石倉十二代詩選

宋詩卷之六十四

樂軒集

宋福唐陳藻著

明後學曹學佺閱

丹井懷叔達

喜稱吾子賦羞道少年時別去休論易愁來欲  
寄詩夕陽書不到殘月夢相隨晚歲傷心事松  
岫獨語誰

適武陵入延平界作

人煙隨山窟家家自生理木杪插秧青泉流介

歷代詩選 宋陳元洪  
杵起開邊憶漢皇航海通南鄙黃昏更不愁客  
舍連薨美

歸入古田界作

步入溪山勝橋亭古劔風土宜辭荔子村塢盡  
油桐南店炊初滑西舟石漸窮豈知旬日外便  
訪去時蹤

城山

雲霧成佳景天明又幾回忽携詩句入別放畫  
圖開遠樹沈如立行歌去似來小舡衝雨過高  
柳接湖栽月傍孤青樹名呼怪石臺故園無夢  
想近擬築岩隈

虎溪

四圍山木合百磴屋簷重古穴成幽井疎林散  
曉峰響泉那更月啼鳥此無冬臺上朝朝看天  
邊有怪松

冬日南谷讀書

列岫開平野脩墻隱密林暗泉聞雨響寒日覺  
冬深眠底孤村近雲邊小樹侵何須錢買屋空



歷代詩選  
宋陳元潔  
寺足閒吟

紀夢

自從弱冠爲遊子，玉融丹井壺山市。哦詩不用  
着工夫，已謫牂牁四千里。柳侯未五十，羅池作  
刺史。翰苑失詞華，蛟龍怨泥滓。我今四十貧無  
官，六合飄零到融水。來時三宿柳城村，再拜前  
賢我如此。才卑何怨嗟，且述西征始。奔走豈吾  
心，跬步思桑梓。江右湖湘抵桂林，青山爭獻雙  
眸美。青山縱好興不生，萬斛羈愁懷抱裏。

海口吟

按圖自古無人到，二百年來戶口添。架屋上山  
成市井，張官近海課魚鹽。估客趨潮撐米入，沒  
人忍凍采蠔粘。仲尼有廟塵誰掃，寺觀崢嶸香  
火嚴。

題融州城樓

除却譙樓環解舍，蕭條市井客懷悲。高高下下  
山無數，淺淺深深江有時。大布紅裙徭女着，半  
規白扇野人持。城中昨夜亡羊豕，聞得誰家虎

入籬

客中書事

千載蠻風尚有存此來聞見不堪論  
猪膏澤髮湘南婦牛渤塗門嶺右村  
行客下牀調瘴藥吏人提甕灌蔬園  
豈無佳麗堪娛目別有淒涼只斷魂

真仙洞

洞裏清溪可汎舟入觀洞府出高丘  
老聃尸解今還在黃帝生前有此不  
滴乳解添無數可攜

燈何用不曾幽乾坤自大人身小拳石  
空中作勝遊

姚晉卿溪閣行

南院觀溪心已清縈紆更上閣中行  
西橫車馬市橋合東眺遠山霞霧生  
日斜沙石淺可數半夜轟雷驅猛雨  
農圃嘈嘈春水多誰得身閒延客歌  
醉後下堦齊拍手長株矮樹排花柳  
主人更要雙眸寬去年拄杖尋長安  
一行一處狂呼去日日芳園大如許  
買地此多直幾金千屏萬

歷代詩選  
障爲墻堵

和林子望

夫君莫要歎無官，幸有田園在故山。  
滿室清風滿林月，人生何事勝于閒。

丘德基七十

斯翁千歲也何愁，七十真堪賀禮修。  
貧病客不食天地久相留。

夜宿延平水東

浮橋暫折阻狂瀾，懶問津船趣往還。  
雙劍廟前

醉酒醉水西燈火，水東看

重陽臨安舟中作

小舡獨坐看平洋，歷歷登高舊事長。  
戲把此身看寂莫，今年無酒過重陽。

十月一日毗陵作

聽得常州多菜色，到來市井亦安然。  
今朝正值焦糟節，車馬翩翩上墓田。

紅泉明日還福清作

獨坐無聊日已西，塗經蒜嶺過漁溪。  
一枝何處

空歸亟却理行裝羨鳥栖

過臨川懷劉氏兄弟

臨川幾日到長沙聞道黔南路更賒行見一村  
籬落好誰家此住憶君家

冬日融州絕句

四隻漁船叩板門幾家茆屋長兒孫天寒水淺  
江成路地僻人稀郭賽村

過象州

都無一物作生涯坊巷蕭條有幾家料得寒梅

應悵恨滿城開作寂寥花

戲題宏仲飲亭酒肆

老去雖貧有酒壚秫田親種暫時沾閨中不解  
爲慳婦開問劉郎燕客無

擬卜居

向來爲客愛塘村幾度天邊入夢魂恰到塘村  
心已懶不知何處立柴門

盧北山元夕

社屋相忘鼓笛鳴空村步月興堪乘何須更要

鰲山立野燒天邊勝着燈

送黃欽之赴廣州鹽稅

地氣周遭逐處流五羊漸已似中州海風吹斷  
山無瘴炎月何妨作宦遊

石倉十二代詩選

宋詩卷之六十四

終

膚齋續集序

膚齋林先生之自玉堂翠帷求奉大夫人出臨  
莆郡也實淳祐戊申後村先師時方辭宗正少  
卿之召先皇以魏國年高就畀憲節卽家建臺  
一時麾節照映之盛真有壺山之所未有賓僚  
乎其間者蓋莫不人自磨濯奮勵求以所講習  
所蘊蓄所設施而于學問于文章于政事有可  
以表表自見者爨下之音囊中之穎又夫孰無  
是心哉旣而臺與郡各以郡之法曹掾爲舉首

歷代詩選 凡  
據則同之再從兄子敬也甫于七閩爲軍壘子  
敬于郡幙爲底僚一旦捷出騰上受國士之知  
于二先生是所謂空羣于冀北拔尤于河陽者  
其榮且耀固萬萬而始是臬臺襮表已其中以  
親嫌爲疑雖重之魏國之命有不能自決惟一  
聞守侯合薦之說乃定此造就之仁終始之誼  
子敬于膚齋不無重惓惓焉後村第一集六十  
卷之行也亦子敬効程督其間前五十卷則膚  
齋在郡時以却例卷資其費及易鎮延平通守

王公實緒成之今後十卷卷末有子敬監雕名  
銜在焉可考也故子敬于欲以自表其惓惓焉  
者則亦惟于膚齋之若詩與文思所以淑後學  
詔來世如膚齋之于後村焉且可與後村諸集  
相爲不朽于穹壤之間是固子敬之心也而素  
食貧多家居願有莫之遂志亦莫之渝其于前  
集後集之行亦惟知于顏楊二君致其歡喜贊  
歎焉爾歸自括家食又且十年及通守三陽咸  
淳戊辰秋抵宮下將一考以書爲同言吾此來

得縮郡紱薄有俸入節縮裘飪銖積寸累或有  
可足吾生平未足之志者願以膚齋集爲先子  
其爲我請續集于先生而行之且母以憚煩辭  
尙敬諾于是膚齋方卷退處之懷袖觀之手其  
年秋九月上擢膚齋長仙蓬侍緝熙明年春再  
入禁林掌詞翰蓋是癸亥東歸一閒七朞矣舊  
詞臣真學士有不惟一堂之上明良胥會于所  
都俞者則然下而九州四海人士亦孰不曰是  
當行鋪席也是我家舊物也願非斯文之一泰

吾道之一春乎膚齋屢辭不獲命趨行之詔聯  
翩而下行有日至是而續集之入梓者爲卷三  
十矣昔人懷一飯之感捐千金之報以情不以  
物以誼不爲利也况舉之入雲嘆之上天乎寂  
寂誰從翟廷尉滔滔去事霍將軍此後村所以  
爲世道感也此同爲子敬別膚齋續集宜視前  
繼自今廢殿閣之吟陪瓊厦之咨雲霧裁剪日  
月獻納必且至于手抄而腕脫者當揭爲又續  
集以遂子敬兄之志云是年爲庚午春爲正月

元夕前一日石塘林同謹書

林慮齋序

石倉十二代詩選

宋詩卷之六十五

竹谿集

宋三山林希逸著  
明後學曹學佺閱

竹林七賢

賞靜偏憐竹宜人况一林諸賢同逸趣千載有  
遺音避俗來深谷披衣卧綠陰玉人三四輩風  
籜短長吟翠入劉伶酒聲隨叔夜琴溪干唐六  
逸先後許論心

松子僧前落

宋詩選 宋林慮齋卷六十五

葉士



歷代詩選  
宋林處齋  
野迥無人迹長松不計年隨風飄子下竟日落  
僧前葉暗丹誰化根枯石共堅閒敲經夾響匹  
數似珠圓味美忘齊久聲輕入定便時看童行  
戲爭把柳絲穿

月靜庾公樓

明月今宵好曾經照庾公登樓當靜夜懷古對  
秋風飛鏡綠空上危簷映水中胡牀無恙否听  
幘爲誰雄老子今何在寒光昔亦同清談孤此  
景白髮向江東

剪燭話巴雨

不負西窗約相逢剪燭花驚心如一夢對雨話  
三巴蠟盡愁頻落關重歎舊遮昔曾留劍外今  
却指天涯

月色不可掃

此夜一輪滿騷情不奈秋月非人可掃人與月  
俱愁素魄憑誰問寒光爲底留擬隨風葉去還  
似雪花浮竹影搖仍在波光散未收嫦娥如戲  
我移照讀書樓

天際識歸舟

日夕思天際悠悠半掩扉扁舟緣底急注目識  
君歸帆外殘鴉去雲邊一葉飛立須蘭棹至細  
認藁砧非僂指思江路牽兒上釣磯入門相勞  
問賒酒趣鱸肥

山村人暮歸

點點殘鴉過孤村帶落暉籬邊聞犬吠山下有  
人歸遠岫連芳塢長林遶翠微雲深認茆屋風  
細颺征衣樵唱同尋徑猿驚爲扣扉夜深燈火

下兒女共依依

獨釣寒江雪

一葉孤舟小生涯在釣筒羣飛看雁陣獨立是  
漁翁浪與頭俱白顏因酒暫紅片帆煙渚外瘦  
影夕陽中蓬髮千莖雪蘆花兩岸風烹鱸吹荻  
火隔岸喚兒童

玉斧修成月

我問青天月如何缺又生冰輪看展去玉斧想  
修成睨視柯誰執傳聞璞孰名元功無此巧素

歷代詩選 宋本唐詩 三  
鬼豈能盈兔向圓時搗蟾因琢夜驚廣寒八萬  
戶技與女媧爭

杜宇呼名語

叫盡三巴月淒涼杜宇聲今人誰與語故王自  
呼名啼血嗟何意前身恨未平轉喉曾有諱弄  
舌似猶生姓字諸禽識君臣易世輕提壺無意  
緒醉鬼謾飛鳴

機春潺湲力

機事嗟何巧空村不住春潺湲因借力俯仰若  
爲容盡日勞雙杵疏泉隔幾峰無人長札札助  
我爲淙淙碓下僧長喜溪邊婦亦慵香厨炊已  
辦時借野雲封

弄花香滿衣

隔岫聞風處清晨嗅露房花因閒弄久衣有帶  
來香試摘枝頭白還拈葉底黃恍如玉皇吏來  
自錦窠郎袖比朝方罷心因惱欲狂謝安休掩  
鼻非佩紫羅裳

濟河焚舟

沔濟焚舟去秦兵意若何深仇思必雪信誓有  
如河甲卒方停棹將軍怒指戈連檣皆縱燎勁  
氣欲熬波拜賜前言在論功一炬多至今臨岍  
處夢想髮皤皤

雁足書

中郎沙漠外羝乳事何如賴有雲中雁能傳足  
上書銜蘆來內苑繫帛自穹廬地說荒寒極人  
稱老病餘史徒誇問犬詩莫詠烹魚青鳥仙家  
使吾今益信渠

爲郎牧羊

卜式何爲者清班粉省郎不騎沙苑馬只牧上  
林羊謾詫窠名錦何如屨曳芒含香休向闕挾  
冊且隨臧列宿從嗤我三星喜詠牂尚懷肥報  
國抗疏欲烹嘗

登單于臺

天伏祈連外窮荒鳥雀呼登臺真帝子絕幕遁  
單于百級雲中見千官帳下趨穹廬垂曠野警  
蹕近清都漢地今無虜秦城枉避胡呼韓天日

歷代詩選  
宋本  
謁却入滑橋圖

登封泰山

海畔山名泰東封自昔曾三千餘載記七十二  
回登冕輅陳金策衣冠迫玉繩祕書留歲月立  
視俯丘陵華蓋行中坂松官立幾層祖龍空刻  
石千載笑宜升

寒機曉猶織

機上誰家女更長睡不安當窗祇自織到曉不  
知寒霜瓦凝威重冰絲續斷難梭聲隨漏盡妾  
爲衣單錦字挑誰寄銀缸剔已殘姑留刀尺  
久零落待輸官

笛裏關山月

笛裏愁千緒更長憶故山今人吹古曲漢月照  
秦關霜竹和聲切胡牀倨坐閒一輪秋塞外萬  
嶂野雲間此夜聽渠弄何時照我還回思帝城  
角花影映朝班

隔竹敲茶臼

典入盧仝椀龍團旋解包忽聞茶臼響正隔竹

窓敲活水烹新茗香風度綠梢聽知童落杵驚  
起鵲離巢香比雲英搗清無水厄嘲林深留客  
處未羨已公茆

門多長者車

窄窄柴門下多應隱士居時人皆障面長者競  
迂車羅雀寧辭客瓜牛舊有廬高軒詩李賀都  
騎賦相如痛飲宜投轄何心更曳裾辛勤有此  
室鄙矣羨金魚

冬曉

雲樹曉層層初霞照屋稜冰池紋似鏤霜瓦氣  
如蒸凍想歌樵客閒思煨芋僧癡翁吟太早窗  
下有殘燈

雨後溪橋看水

綠徧東西畝田家亦喜晴溪因急雨漲雲放半  
山明沙外看流勢橋邊聽淺聲向令平十里應  
與剡爭名

和春谷用弓字見寄

奴去看魚笱兒尋射鴨弓養病三徑裏取友一

溪中日苦經簷短天如罽野穹過從人絕少訪  
問愧春翁

資福嶺庵前作

嶺路松陰好歸鞭爲小停苔封石面紫藤絡樹  
身青庵古無人住蟬多過客聽少時文會處近  
裏有祠堂

和後村口占一首

老去田翁多狎友年來觀主換新衙綠溪竹杖  
時行散面壁蒲團漸放叅休夢筆花尋硯滴祇

看貝葉守燈龕清朝越紉脩將禮留滯何妨似

史談

和後村唐衣

苦着唐衣落魄多人生行樂不知他可曾癡說  
飛霞佩那肯吟思疊雪羅帶眼減多癯已甚布  
毛吹盡意如何溪隣更有笊箸伴時整牛衣共  
緝莎

和田間見新秧作

新秧成段見連連風弄輕柔雨後鮮細出水如

青縷線平鋪田似綠毛瓊國貧民困憂無日身  
遠心存食有年試問維魚誰入夢牧童三五澗  
頭眠

送用和劉推官入京班改

幕畫如兄有異才嶺南聲價動諸臺登龍尾道  
呼班去為鱗魚州守印來定有賞音相料理何  
妨進卷小徘徊遙知得意行吟處傍柳堤看菡  
菖開

羅珍字韻謝吳帥分惠乃弟山泉所寄廬

山新茗一首

五老峰前茗草新若為封裹入南閩錦囊有句  
知難第玉帳多情寄野人雲脚似浮廬瀑雪水  
浪堪鬪建溪春龍團拜賜前身夢得此烹嘗勝  
食珍

春谷惠示榕橋精舍二十四詩借首篇韻

賦一首

春谷因榕費苦吟為憐夾道綠陰陰身藏巖澗  
風霜老名入圖經歲月深北客未知題詠少南



州莫向字書尋鶯啼庭葉曾留句獨賞河東刺  
史音

題梁秘閣玉堂何似亭

放眼久知亭外景連朝苦恨雨昏昏紅飄落桂  
渾如雪青失平林總是雲與世相忘真有道休  
官曾不待移文玉堂天上空回首白髮追尋我  
媿君

二日野望作

麥隴高低一樣青淡雲籠晝雨絲輕梅花爛熳  
開將盡松葉稀疎落又生遙企鈞天知夢斷欣  
聞玉陛慶熙成人人盡說新年好除夕無風歲  
旦晴

先母忌日 丁卯

兒正癡時賴母賢如今滿鏡白于綿可堪遠日  
思存日更向衰年憶幼年嫠早獨携三稚子世  
貧能有幾硯田書燈督課無虛夕曾解衣還束  
脯錢

晚步偶成十月廿八日

半空濃碧雲成嶠。上有明霞如野燒。綠田黃犬  
吠行人。白鳥青林送殘照。連朝毒熱勝三庚。萬  
木號風無一竅。松間散步信意吟。安得孫登與  
長嘯。

曉起卽事

枕上吟安未了詩。披衣趺坐自支頤。今年暖過  
冬強半。昨夜霜濃曉始知。腰帶愈寬祇強束。髮  
梳常落不多絲。衰殘却喜身強健。歲稔村沽醉  
度時。

曉作偶成

飲粟羹藜謾曲肱。病無俗物也身輕。萬錢下筋  
非吾事。數卷殘書了此生。學淺幸無禪二障。心  
閒喜與迹雙清。更長睡足元無夢。又聽簷間促  
織鳴。

再用前韻謝桃巷

清吟思湧似回瀾。家數他年比務觀。歌舞叢中  
知散易。功名紙上要留看。吹殘柳雪寒仍在。數  
盡花風春欲闌。好景縱多公不飲。誰論麴蘖向

江干

七月十二日作

投閒不厭玩心珠。遮眼無他只舊書。得馬塞翁  
從喪馬。知魚濠叟且觀魚。三旬不雨田俱涸。一  
月先秋暑未除。此念却難排遣在。家無大小仰  
犁鋤。

送光澤蘇縣丞

種花城裏談經席。三載何曾有束脩。別換頭銜  
聊佐邑。重拈手板向鄰州。松廳莫笑無公事。藁  
幕時能致俊流。握手溪干留飲去。相思那肯靳

書郵

和柯山玉上人

聞說高人意已消。葑坡誰解識參寥。何年共賦  
浮花雪。一棹清溪兩岫蒼。

石倉十二代詩選

宋詩卷之六十五

南軒先生集小引

文獻通考南軒集三十卷侍講廣漢張栻敬夫  
撰魏中獻公浚之長子當孝宗朝以任子不賜  
第入西掖者韓元吉劉孝韙其入經筵則栻也  
公全集不知刻于何地余閱行人司書目及汴  
梁宗侯竹居所藏俱有之而閩已久佚不傳其  
傳者大半與朱文公往復之作耳公與晦菴不  
特道義交而且文字友也晦菴閩人故余得而  
蒐輯之尚期之汴之京竊觀其大全云

歷代詩選

宋詩卷之六十六

熙熙陽春詩  
農夫各敬乃事  
往利爾器誠爾  
婦子惟生在勤  
勤則及時惟時  
之趨時不爾違  
浙浙甘雨膏我  
下土習習其風  
和澤乃普往即  
爾畊惟力之深  
往蒔爾苗勿倦  
其耘于日于夕  
自遂自達爾日

石倉十二代詩選

宋詩卷之六十六

南軒集

宋廣漢張 祇著  
明後學曹學佺閱

熙熙陽春詩

熙熙陽春既發既舒翼翼南畝是展是圖嗟爾  
農夫各敬乃事往利爾器誠爾婦子惟生在勤  
勤則及時惟時之趨時不爾違浙浙甘雨膏我  
下土習習其風和澤乃普往即爾畊惟力之深  
往蒔爾苗勿倦其耘于日于夕自遂自達爾日

歷代詩選

宋長故夫 卷六十六

一

鄭西

勿忘彼生孰遏惟天之心矜我下民民不違天  
使爾有成既穠既實既堅既好爾穫既同先養  
爾老保爾家室撫爾幼穉既迄有年復思嗣歲  
嗟爾父老其訓其誠俾務于本惟土物愛不念  
其本乃越厥思所思既越害斯百罹於赫聖主  
敷德流澤布宣弗履時余之責嗟爾父老助予  
念茲豈予之助報國是宜粵以今日勸相于郊  
乃作此詩以懋爾勞

送朱元晦

君侯起南服意氣凌九州聿登文石陛忠言動  
宸旒坐令聲利場縮頸仍包羞却來卧衡門無  
媿白日休盡收湖海意仰希洙泗遊不遠關山  
阻爲我再月留遺經得紬繹心事兩綢繆惟茲  
斷金友出處寧殊謀南山對牀話匪爲林壑幽  
白雲政在望歸袂風颼颼朝來出別語已抱離  
索憂

灘山

灘江卽湘江濺濺清見石其東列羣峰秋水碧

復碧日出霧露收草徑上逼側憑欄舒望眼已  
足慰疇昔更窺岩穴勝創見爲驚惕如何數里  
間竒觀屢接跡寬同厦屋深割若巨靈擘日月  
遞光景風雲變朝夕石橋幾年成乳竇一時滴  
神龍舊隱處仰視多辟易蛻跡凜猶存隱隱印  
霜脊下有澄湫深餘波漱蒼壁往者已仙去來  
者此其宅薄晚叩松關風過聲索索聊麾車騎  
退容我且散策却望訾家洲輕舫渡前磯回首  
煙樹林已復挂檐魄宇曠淨餘滓羣物被光澤

河洲寄遐思空岩皎虛白清輝猶可窺水色相  
激射天邊與川上亭亭如合璧居然廣寒遊不  
用假六翮班坐依微瀾晤賞共佳客與之相干  
載詎有古今隔簫鼓歸夜闌觀者燦城陌徃徃  
羅杯羊斑斑見殺核諒因年歲豐人意少舒適  
視爾意少舒于予多忻懌

嶽麓書院

遊觀不作難呼舟渡清泚新晴宿潦淨羣山政  
如洗上方凭危欄萬象見根抵寒泉自可斟况

歷代詩選 宋 卷六十六 三  
復雜肴醴高談下夕陽邂逅玄鑰啓中流  
祭浩歌月色在波底

題城南書院招元晦

積雨欣始霽清和在此時林葉旣敷榮禽聲亦  
融怡鳴泉永不窮湖風起淪漪西山卷餘雲逾  
覺秀色滋層林叢綠間愛彼松栢姿青青初不  
改似與幽人期

送楊廷秀

昔人忘言處可到不可會還須心眼親未許工  
雕績詞章抑爲餘子已得其最當知鄒魯傳有  
在文字外

其二

平生風雨夕每念名節難窮冬百草歇手自種  
琅玕吾子三十策字字起三歎豈欲求人知正  
自方寸輝請哦碩人詩匪爲樂考槃

嶽頂上封寺有懷元晦

憶共朱夫子登臨冰雪中劇談無俗調得句有  
新功別去雁橫浦重來月滿空遙憐今夕意清



歷代詩選 宋明雜著 四  
夢倘相同

喜聞定叟第歸

吾第三年別歸舟半月程。形容應似舊。歡喜過如兄。秋日聯鴻影。涼窗聽雨聲。人間團聚樂。身外總云輕。

默姪之官

默也相從久。吾心念汝多。又爲江漢別。祇覺歲年過。氣習須消靡。工夫在講磨。惟應介如石。人事易蹉跎。

長橋

西風吹短髮。復此渡長橋。木落波空濶。亭孤影動搖。徘徊念今昔。領略到漁樵。擬有山中隱。憑誰爲一招。

嶽麓書院

支筇穿百級。把酒問春光。喬木依然在。幽蘭祇自芳。未經湘水滿。逾覺橘洲長。暝色猶回首。天涯話故鄉。

與弟姪飲梅花下分得香字

歷代詩選 卷六十六  
五  
日夕色愈正春和天與香提携一樽酒問訊滿  
園芳嗣歲詩多思懷人心甚長更須多秉燭玉  
立勝紅粧

王長沙約飲縣圃梅花下得梅字

平生佳絕處心事付江梅縣圃經年見芳樽薄  
暮開朗吟空激烈燒燭且徘徊未逐徵書去窮  
冬尚一來

仲春過陽江亭子

亭古危臨岨林幽巧近城煙容隨雨住花片着  
溪清春事已如許客懷隨與傾亭前幾株樹猶  
意欲敷榮

城南雜詠二十首和朱元晦

原原錫潭水匯此南城陰岨花有開落水盈無  
淺深

右納湖

團團凌風桂宛在水之東月色穿林影却在碧  
波中

右東渚

四序有佳趣今古蓋共茲橋邊獨微吟回首忘  
所之

右詠歸橋

窗低蘆葦秋，便有江湘思。久矣倦垂綸，遊魚不須避。

右船齋

長咏伐木篇，竚立以望子。日暮飛鳥歸，門前長春水。

右麗澤

菘蘭北澗側，澗曲風紆徐。願言植根固，芬芳長慰予。

右蘭澗

壘石小崢嶸，脩篁高下生。地偏人迹罕，古井轆轤鳴。

右山齋

高樓在林杪，中有千載書。昔人不可見，儲艦竟

何如

右書樓

開軒僅尋丈，水竹亦蕭疎。臨流會自得，豈是爲觀魚。

右蒙軒

流水自清瀉，觸石短長鳴。窮年竹根底，和我讀書聲。

右石瀨

雲生山氣佳，雲卷山色靜。隱几亦何心，此意相與永。

右卷雲亭

前年種垂柳，已復如許長。長條莫攀折，留待映滄浪。

右柳堤

危欄明倒影，面面湧金波。何處無佳月，惟應此

地多。

右月榭

芙蓉豈不好，濯濯清漣漪。采之不盈把，惆悵暮

忘飢。

右濯清亭

繫舟西岬邊，幅巾自來去。島嶼花木深，蟬鳴不

知處。

右西岬

幽谷竹成陰，綠流着石清。不妨風月夕，來此聽

琮琤。

右琮琤谷

亭亭堤上梅，歷歷波間影。歲晚憶夫君，寂寞煙

渚靜。

右梅堤

風吹渡頭雨，撼撼蓮上聲。忻然會心處，端復與

誰評。

右聽雨舫

散策下亭阿，水清魚可數。却上采菱舟，乘風過

南浦。

右采菱舟

湘水接洞庭，秋山見遙碧。南阜時一登，搔首意

無數。

右南阜

送定叟第官桂幙

事業無欲速，燕逸不可求。速成適多害，求逸翻

歷代詩選  
卷六十六  
百憂

桃花塲

花開山與明花落水流去行人欲尋源只在山  
深處

謁陶唐帝廟詞

溪交流兮谷幽山作屏兮曾丘木偃蹇兮棧相  
穆皇何爲兮于此留藹冠佩兮充庭潔芳馨兮  
載陳純衣兮在御東風吹兮物爲春皇之仁兮  
其天四時序兮何言出門兮四顧渺宇宙兮茫

然

風亭亭辭

眷麓山之回隩有絃誦之一宮鬱青林兮對起  
背絕壁之穹窿獨樵牧之往來委榛莽其蒙茸  
試芟夷而卻視翕衆境之來宗擢連娟之脩竹  
森偃蹇之喬松山靡靡以旁圍谷窈窕而潛通  
翩兩翼兮前張擁千麾兮後從帶湘江兮浮綠  
矗遠岫兮橫空何地靈之久闕助經始乎今公  
悅棟宇之宏開列欄楯之周重撫勝槩以獨出

歷代詩選  
卷六十六  
王

信茲山之有逢

送八兄歸廣漢

彌旬積雨禾生耳冬壑未渠收潦水圍爐情話  
正爾佳乃復歸舟行萬里百年懷感卧湘城風  
急鵲鴿原上情豈無他人意則真每覺軟語溫  
如春少年銳意凌八區晚以樂義稱鄉閭聞人  
有恙亦已如天報兩子雙明珠小隱卜築蘭溪  
邊脩篁喬木今參天是非榮辱不到處卷書一  
枰清晝眠有第有第復何爲杜門讀書人調癡

故山未遂掃松願江頭獨立送歸時

九日與賓佐登龍山

曉風獵獵笛橫秋澤國山河九日遊萬里煙雲  
歸老眼千年形勢接中州丘原到處堪懷古萸  
菊隨時豈解愁此日此心誰共領朝宗江漢自  
東流

和宇文正甫探梅

天與孤清迥莫鄰祇應空谷伴幽人千林掃跡  
愁無奈一點橫梢眼便親顧影莫驚身易老哦

歷代詩選 卷六十六 十一  
詩尚覺句能新。幾多生意水霜裏。說與天桃自在春。

和友人夢遊西山

故人疇昔隱西峰。野寺幽房一徑通。無復老僧談舊事。空餘脩竹灑清風。夢中尋勝忘南北。句裏論心豈異同。我欲壁間題唱和。他年留得咤南公。

偶書

我愛庭前木葉疎。病枝衰蔓手披除。從今燕坐無通塞。來往風煙任卷舒。

嶽麓書院

眼看飛雪灑千林。更着寒谿水淺深。應有梅花連夜發。却煩詩句寫愁襟。

禊亭

一曲清江正可憐。隔江新竹露涓涓。好風成我曲肱夢。起看飛雲度碧天。

城南書院絕句八首

微風習習禽聲樂。晴日遲遲花氣深。妙理冲融

無間斷湖邊佇立此時心  
花柳芳妍十日晴五更風雨送餘春莫嫌紅紫  
都吹盡新綠滿園還可人  
亭畔薰風盡日涼來從水面過新篁悠然但覺  
盈襟抱千古虞絃意未忘  
林塘過雨不勝秋萬蓋跳珠瀉碧流倚檻孤吟  
天欲暮更穿芒屨上方舟  
山色頓清秋欲低湖光更淨日平西涼風獵獵  
傾荷蓋歸翼翩翩度柳堤

新涼脩竹意逾靜初日芙蓉色倍鮮物態直須  
閒裏見人情多向快中偏  
四面紅蕖競綠波晚涼奈此野情何憑城更覺  
看山穩入戶還欣得月多  
拍堤水滿草茸茸盡日野航西復東欲去未須  
愁日暮月明波面意無窮

病起城南書事二首

一春風雨水平湖更覺湖心月榭孤坐看百花  
開落徧依然山色對清臞



茆亭泉溜四周遭花木經春一一高却望西山  
隔江水徑思一葉泛雲濤

春日和陈擇之

花落花開總可憐嶠南赤復綠風煙雨餘起我  
故園夢漠漠浮鷗水拍天

又

年華冉冉春將半花事匆匆雨滿城  
變新綠未嫌携酒趁初晴

又

長漸有簡編樂春半已將櫻筍來無數青山  
相慰藉有時明月共徘徊

附尤表詩

梅

不奈雪埋照可堪風漏香天寒無珍粟日暮有  
嚴粧桃李羞浮艷松筠共老蒼千山愁絕裏獨  
自占年芳

其二

冷豔天然白寒香分外清稍驚春色早又喚客

愁生待索巡簷笑，嫌聞出塞聲。園林多少樹，見爾眼偏明。

蠟梅

破蠟驚春意，凌寒試曉粧。應嫌脂粉白，故染麝塵黃。綴樹蜂懸室，排筇雁着行。團酥與凝蠟，難學是生香。

雪

睡覺不知雪，但驚窓戶明。飛花厚一尺，和月照三更。草木淺深白，丘壑高下平。飢民莫吝食，

一念邊兵

別李德翁

長恨古人少，斯人今古人。二難俱益友，兩載覺情親。世態深難測，心期久益真。相看俱半百，此別倍酸辛。

送趙成都

蜀道當謀帥，維城孰愈公。夷陵護江左，斜谷顧關中。北虜心豺虎，南蠻勢蟻蜂。守攻雖有異，鎮撫不妨同。

其二

不但元戎貴仍兼制使雄  
深沈天與度簡敬學  
成功人士薰陶內兵民教訓中  
祇應先卻穀  
復後文翁

巳亥元日

玉曆均調歲啟端東風又逐斗杓還  
蕭條門巷經過少老病腰支拜起難  
白髮但能欺槁項青春不解駐朱顏  
餘齡有幾仍多幸占得山林一味閒

次韻德翁苦雨

十年江國水如淫怕見三秋雨作霖  
可念農家妨卒歲須煩風伯蕩層陰  
禾頭昨夜憂生耳木德何時却守心  
兀坐書窗詩作祟寒虫鳴咽伴愁吟

次韻尹朋梅花

江北江南天未春陽和先已到孤根  
斜枝冷落溪頭路瘦影扶疎竹外村  
水部未妨時遣興玉妃誰復與招魂  
天寒好伴羅浮醉明月清風許

重論

梅花

竹外籬邊一樹斜。可憐芳意自萌芽。也知春到先舒蕊。又被寒欺不放花。索笑幾回驚歲晚。相思一夜繞天涯。直須待得垂垂發。踏月相携過酒家。

其二

冷蘂疎枝半不禁。眼看芳信日駸駸。雪霜不管朝天面。風月能知匪石心。望遠可無南北使。客愁空費短長吟。年年准擬花排恨。不道看花恨更深。

落梅

清溪西畔小橋東。落月紛紛水映紅。五夜客愁花片裏。一年春事角聲中。歌殘玉樹人何在。舞破香衫曲未終。却憶孤山醉歸路。馬蹄殘雪襯東風。

入春半月未有梅花

枯樹扶疎水滿池。攀翻未見玉團枝。應羞無雪

歷代詩選 宋元集卷之  
教誰伴未肯先春獨探枝幾度杖藜貪看早一  
年芳信恨開遲留連東閣空愁絕只誤何郎作  
好詩

德翁有詩再用前韻一首

文章仙伯記仇池每想橫斜竹外枝未放柔柯  
攢玉雪稍看紅蒂染燕支別來望遠憑誰寄老  
去尋春只恐遲把酒問花花解語定應催促要  
和詩

次韻涓叟蠟梅

快瀉鴛黃若下春要將香色鬪清珍蠟丸陪拆  
東君信施貌寧欺我輩人光價未輸何遜早詩  
篇重見豫章新渾金璞玉爭多少要與江梅作  
近親

甲午春前得雪

寒聲昨夜響蕭蕭迢曉堦庭亦已消殘臘距春  
無幾日一年飛雪只今朝微陽欲動梅驚萼餘  
潤纔沾麥放苗天意未能違物意漫留殘白占  
山腰

其二

飛英回旋逐風飄爽氣令人意欲消荏苒流年  
春送臘殷勤密雪暮連朝冬回庾嶺花無數煙  
暖藍田玉有苗一飽自今真可望更看南畝麥  
齊腰

其三

凍雲排陣擁山椒待伴還應不肯消皎月冰壺  
千頃夜冷煙茆屋幾家朝梅枝堆亞難尋萼萱  
草侵凌不辨苗殘甲敗鱗隨處是被誰敲折玉

龍腰

劉屯田墓壯節亭

劉諱真字巖之

西澗當年卜考槃便于神武掛衣冠後生無復  
知前輩故老猶能說長官三尺荒墳埋玉冷百  
年壯節倚天寒表章賴有羣賢力誰把生芻奠  
一餐

送趙子直帥蜀得須字

射策當年首漢儒去登雲路只斯須飽聞治最  
誇閩部已有先聲到益都壯畧定羗元自許崇

歷代詩選 卷之六  
英帥蜀舊來無前驅叱馭休辭遠看取東歸上  
政塗

其二

帝念西南在一隅簡求才德應時須  
羌夷種落誇威令秦隴關河聽指呼  
自古功名多少壯及今談笑定規摹  
玉山舊政人誰記應掃棠陰看畫圖

海棠盛開

兩株芳蘂傍池陰一笑嫣然抵萬金  
火齊照林

光灼灼彤霞射水影沈沈曉粧無力  
臙脂重春醉方酣酒暈深定自格高  
難着句不應工部總無心

玉簪花一名鷺鷥

一種幽花迥出塵孤高耻逐艷陽辰  
瑤枝巧插青鸞扇玉蘂斜欹白鷺巾  
難與松筠爭歲晚也同葵藿趁時新  
西風昨夜驚庭綠滿院清香惱殺人

別林景思

三年無德及斯民，獨喜從遊得此君。囊乏一錢窮到骨，胸蟠千古氣凌雲。論交却恨相逢晚，別袂真成不忍分。後夜相思眇空濶，尺書應許雁知聞。

送晦庵南歸

二年摩手撫瘡痍，恩與廬山五老齊。合侍玉皇香案側，却持華節大江西。鼎新白鹿諸生學，築就長虹百尺堤。待哺飢民偏戀德，老翁猶作小兒啼。

送提舉楊大監解組西歸

征轅已動不容攀，回首棠陰蔽芾間。爲郡不知歌舞樂，憂民贏得鬢毛斑。澄清未展須持節，注想方深便賜環。從此相思隔煙水，夢魂飛不到螺山。

送吳待制帥襄陽

方持紫橐侍西清，忽領雄藩向暑行。誰謂風流貴公子，甘爲辛苦一書生。詞源筆下三千牘，武庫胷中十萬兵。從此君王寬北顧，山南東道得



歷代詩選

卷之六十六


三

長城

石倉十二代詩選

宋詩卷之六十六

終



石倉氏

